

tamna perkojak malliklugo tokkotaksaungmat; kissiancungitok attanniub ajaupiane opigijautiksak Goldečjok issautiguniuk tapsomunga, innôkovlugo. Uvanga mana uvlune 30 gine kaikojaulaungilanga takkamunga attannermut.

12 Esteriblo okausingit okautigijaulermatta Mardachaimut,

13 Mardachaib Ester okautsaukopsarpa: Issumaniarnak innôtsitit piulijatuariinarangne attanniub iglunganênavit, Judinit tamainit;

14 Mannale nelliutome tamattomane niplitailiniaruvit, tagva Judit ikajortauniksarsiniarput, piulijauniksarsiniarlutiglo nakit assingnit, igville atâtavillo illaugit nungutaniarpose. Imakkâlo nelliutok tamanna pitjutigellugo attanningortitaulaungimangarpit?

15 Esteriblo Mardachai kiojaukova:

16 Ailerit Judillo Susanemêtut illunaita katterkokit nerri-tailijutigissingalo, nerrikonase immerkonaselo uvlune pingasune, uvlotillugolonêt unnuarmelonêt; uvanga uigasukotikkalo, nerri-tailijomavoguttauk tainak. Taimaglo attannermut itteromavunga, perkojak akkerartorlugo; tokkotauniaruma, tagva tokkotanvunga.

17 Mardachailo aularpok, pinniarlunelo tamainik Esterib piiniarkolauktanginik tapsomunga.

KAPITEL V.

Esterib aininga attannermut. Hamanib pijugaklerninga Mardachaimik.

UVLULLO pingajuane Estere attitipok attannersiutinik, nang-eriartorlunelo avaluliorsimajub attanniub iglunganêtub illuanut, attanniub iglungata akkianut. Attammerlo iksivavok iksivautaksoarmine attannersiume attanniub iglungane, iglub upkoangata akkiane.

2 Attanniublo Estere attannek tækkungmago nangertillugo avalut illuane, saimaneksilerpok tapsoma ijkita sângangne. Attanniublo ajaupiane opigijautiksak Goldečjok tigumiartane issautiva Esteremut. Tagva Estere ablorpok tagvunga, aktorlâlo opigijautiksab nuvua.

3 Tagva attanniub okautiva: Suvit attannek Estere? Sunamiglo tussuvit? Attannioviub koppanganiglonêt aglat tunnijaujuksauvok illingnut.

4 Estere okarpok: Attannermut nali gijaupat, tagva attannek Hamanelo tikkilerlik uvlome nerrimaraksamut âkiksorsimajamuut.